

COMITES DE STAHPRENBEP.

Quæ Stiria vetustos Marchiones inter Progenitores suos numerat celeberrima Stahrenbergia gens seculo XIV. Ulricum Dominum de Stahrenberg dedit, qui donationi propter nuptias à Calchocho ab Eberstorff Supremo Camerario Austria factæ Anno 1346. Sigillum suum apposuit. (a) Casparus Dominus de Stahrenberg in matrimonium duxit filiam Weickhardi Domini de Polhaim, & dotis nomine octingentas denariorum libras promissas, Anno 1395. accepit. (b) Idem Anno sequenti 1396. contractum emptionis suo Sigillo firmavit ibique tribuitur ipsi titulus: *der Edle Herz Casper von Stahrenberg.* (c) Anno vero 1399. & 1400. Polhaimicis literis insignia gentilitia apposuit. (d) Fuitque Anno 1407. inter Arbitros, qui controversiæ inter Johannem ab Eberstorff & Stephanum Comitem ab Hornstein finem imposuere. (e) Anno 1409. Eberhardi de Winden testamentum subscripsit. (f) Interjecto deinde tempore turbis inter Ernestum & Albertum Austria Ducem ortis, involutus, diu adversam fortunam expertus est, tandem cum Hero suo Ernesto in gratiam rediit & pro Reinperto à Waldsee potentissimo Austria Regulo Anno 1417. culpam apud eundem Ernestum Ducem sequenti formula deprecatus est, quam refert Dominus Streunius in opere *der Land-Handvest; Gnädiger Herz! Reinprecht von Waldsee/bitt EuerGnad/zer wellet In und die Sein genädiglich in Euren Scherm haben/ und nicht gestatten/ daß man In und den Seinen unbillich, Saechen erzaiße/ das will Er umb Euer Gnad gern/ und mit Fleiß verdienen / wann er Eurer Gnaden und dem Lands, Recht gern gehorsamb will seyn / mit allem dem so er dem Rechtlich sein soll / als seinem genädigen Herrn / und Landes, Fürsten mit alle dem was er in Euren Landen hat.* Idem Casparus Dominus de Stahrenberg bona quædam Anno 1418. in feudum Antonio Stockharneri dedit. (g) Katoldus ab Eckertlau à Johanne Stahrenbergio octuaginta libras denariorum Anno 1418. (h) & Anno 1420. quadraginta libras alias mutuatus est. (i) Rudigerus, Gundackarus & Georgius fratres Stahrenbergii sententiam Arbitrorum in causa successionis defuncti Georgii à Daxberg subierunt Anno 1424. (k) Rudigerus porrò à Stahrenberg celebratur Anno 1429. 1435. & 1437. (l) (m) Johannes Baro ab Eberstorff Gertrudin Baronissam à Stahrenberg in matrimonium recepturus à Pontifice Eugenio IV. Anno 1436. veniam impetravit. (n) Honori Digni-